

Tristo pa mira un spacio bashi y cu La Linda noo tey mas



ORANJESTAD (AAN) – Ayera mainta e trucknan di e compania concerni cu eliminacion di e escombronan cu a keda atras despues di e siniestro cu a despoha nos comunidad di un tienda di pueblo, manera La Linda, tabata yegando na e parti final di e trabao.

Diferente persona cu tabata pasando den Caya a keda wak e tereno plat cu hopi tristeza, y tin cu a duna comentario si e tienda lo habri back eynan mes, si e lo bira un otro mall, of si e lo haya un forma parecido na esun cu e “memoria historico” di nos pueblo tin di dje.

Pero e berdad ta cu ya pa ayera, casi ni holo na huma mes tabata tin mas, y no tin hende cu no pasa dilanti La Linda cu keda sin haci

comentario.

DIARIO mes por a scucha un pareha Venezolano cu a puntra kico a pasa cu La Linda? E ora ey un meneer bisti na security cu tabata canando eybanda a conta nan cu e tienda a kima, y pa nan expresion y gesto riba nan cara, por a nota cu nan no kier a kere, y cu posiblemente nan a yega di cumpra Dios so sa cuanto biaha den e tienda di pueblo y di hopi turista tambe.

Berdad tabata algo tristo pa

observa maske no mas tristo cu ora e restonan kima di e tienda tabata tey, y lo pasa hopi tempo prome cu e publico cuminza custumbra cu La Linda cu nan a conoce no tey mas, pasobra si nan lante back, e lo ta un edificio full nobo y cu e servicio di semper, e lo ta kizas den otro concepto (podise mas moderno) pero no e tienda cu miles y miles di ciudadano local y bishitantenan di varios generacion, a bishita pa añanan largo!

DIARIO. - (OKOTBER 2004), P. 41